

1983 թ. ՊԵՂՈՒՄՆԵՐԸ ԱՐԳԻՇԹԵԽԻՆԵԼԵՈՒՄ
ԵՎ ՆՈՐԱՀԱՅՏ ՈՒՐԱՐՏԱԿԱՆ ԱՐՁԱՆԱԳՐՈՒԹՅՈՒՆԸ

Ռ. Մ. ԹՈՐՈՍՅԱՆ, Ս. Գ. ՀՄԱՅԱԿՅԱՆ

Արարատյան դաշտում Վանի թագավորության վարչատնտեսական, մշակութային ու հոգևոր կյանքի կարևոր կենտրոն Արգիշթեխինելե քաղաքի պեղումները սարեցտարի նոր և բարձրագույն նյութեր են տալիս Հայկական լեռնաշխարհում հին արևելյան ստրկատիրական պետություններից մեկի՝ Բիալենելե-Ուրարտուի պատմության, մշակույթի ու քաղաքաշինության վերաբերյալ: 'Aza երկրում, Արգիշթե I-ի կողմից (մ. թ. ա. 776 թ.) հիմնարկված և նորան հաջորդած թագավորների կողմից համակառուցված հնամենի Արգիշթեխինելեն գտնվում է Հոկտեմբերյանի շրջանի Արմավիր և Ն. Ամասիա գյուղերի միջև ձգվող բլրաշարքի վրա և նույն շրջակայքում: Շնորհիվ Արգիշթեխինելե-Արմավիր քաղաքները ուսումնասիրող արշավախմբերի բազմամյա աշխատանքների, այժմ պարզված է, որ Արգիշթեխինելեն բաղկացած է երկու ամրոցներից, քաղաքաբնակների ընդարձակածավալ առանձնատներով կառուցապատված քաղաքային թաղամասերից, ալգեստաններից ու դամբարանադաշտերից:

Արգիշթեխինելեի արևմտյան ամրոցը գտնվում է նոր Արմավիր գյուղի հարավային կողմում վեր բարձրացող Դավթի բլրի գագաթին: Այն զբաղեցնում է շուրջ երկու հեկտար մակերես¹: Քառակուսի աշտարակներով, եռաշարք հաստաբեկ սարիսպներով պաշտպանված արևմտյան միջնաբերդի ներքին քաղաքի ու արտաքին աշխարհի հետ հաղորդակցվել է քարակույի երկու դարպասներով: Նրանցից մեկը՝ արևելյանը, պալատական շենքի շքամուտքն է, իսկ մյուսը՝ հյուսիսայինը, բազալտաշեն կրկնակի մուտքերով «ավագ» դուռը: Վերջինիս կարելի է մոտենալ բլրի ստորոտից սկիզբ առնող և լանջն ի վեր ձգվող երբեմնի ճանապարհով, որը «ավագ» դարպասից ներս միաձուլվում է մուտքի դիմաց սփռվող ընդարձակ, քառակուսի ճանապարհի հետ: Ռազմապաշտպանական, հոգևոր ու աշխարհիկ նպատակների ծառայած միջնաբերդի այս հրապարակը (№ 1 բակ) առկա էր, հյուսիսից և հարավից շրջափակված է մոտումենտալ շինությունների հաստահեղույս պատերով, իսկ արևմտյան կողմից նեղ մուտք ունեցող միջանցքով միացած է հոգևոր և աշխարհիկ բնույթի շենքերով կառուցապատված «տաճարական» անվանված № 2 բակի հետ:

Արգիշթեխինելե քաղաքի արևմտյան հատվածը ուսումնասիրող արշավախումբը 1983 թ. ավարտեց արևմտյան միջնաբերդի № 1 բակի մաքրման աշխատանքները: Պեղումների միջոցով պարզվեց, որ միջնաբերդի այլ հատվածների նման, մշակութային շերտը № 1 բակի տարածքում ևս ունի 1,5—1,8 մետր թանձրություն: Հուշարձանի շերտագրական սանդղակի ստորին մշակութային հորիզոնը բաղկացած է Վանի թագավորության ժամանակաշրջանի շինարարական երկու շերտերից (0—1 մ հաստություն), իսկ վերինը՝ դարձացած միջնադարյան բնակավայրի կացարանների տնտեսական շինարարությունների ու կենցաղային հորերի փլատակների սնացորդներից (1—1,8 մ հաստություն):

Երկու մշակութային դարաշրջանների մեզ հասած շինությունների շերտադրական փոխառնությունների հնագիտական պատկերը ներկայացնելու տեսակետից անհրաժեշտ է նկատել, որ Վանի թագավորության ժամանակաշրջան-

¹ Արգիշթեխինելե քաղաքի ուսումնասիրությունների մինչև 1970 թ. արդյունքները մանրամասն տե՛ս Ա. Ա. Մարտիրոսյան. *Архистихинили. Вып. I, Ереван, 1974.*

նի բաղալուցիները հիմքերով, հում աղյուսե պատերով կառույցների փլատակների վրա դրված միջնադարյան տնակների հիմքերը, թոնիրները և կենցաղային հորերը խստագույնս պնասել են ստորին մշակութային շերտի կառույցներին: Չնայած այս վիճակին, այնուամենայնիվ, Վանի թագավորության ժամանակաշրջանի շինությունների մեղ հասած հասլածներն ու փոքրածավալ պատառիկները հնարավորություն են ընձեռում հետևելու միջնաբերդի կենտրոնական բակի (№ 1) կառուցման հատակագծային-շինարարական առանձնահատկություններին ու վերակառուցումներին:

Կենտրոնական (№ 1) բակի միջավայրում Վանի թագավորության շինարարական վաղ շերտը (I) դրսևորվում է Արդիշթե I-ի կառուցած «ավագ» դարպասով, բակի արևելյան կողմում գտնվող պալատական շենքով, հյուսիսային և հարավային կողմերում առկա մեծածավալ պահեստներով ու մանր գույնըզդուն զետաքրքիրով երեսապատված, շուրջ 750 մ² մակերես ունեցող հրապարակով:

№ 1 բակի քարածածկ, գեղատեսիլ հատակը կառուցվել է նախապես հարդարված տարածքի վրա: Իրենց շինարարական ավանդույթներին հարադատ ուրարտական վարպետներն ու շինարարները բլրի մակերևույթի այն վիճակը, որը չի համապատասխանել, խանգարել է կառույցի նախագծին, վեռացրել են: Ընդ որում, բնական մակերևույթի փոս եղած տառածությունները լցվել են ործաքարերով ու ծածկվել դիմացկուն կավաշաղախով: Վերջինիս վրա լրացուցիկ կավաշխ է փռվել, որի մեջ էլ շարվել են բաղադրյալ գետաքարերը: Այսպիսի հորինվածք ունեցող հատակի վերին մակերևույթը հատակի հարդարված բնական մակերեսից բարձր է 10—20 սմ: Բակի տարածքի այն հատվածներում, որտեղ ժայռի մակերեսը բարձր է եղել, կտրվել հեռացվել է, իսկ նրա լրացուցիչ հարդարված մակերեսը օգտագործվել է որպես բնական քարակերտ հատակ: Վերջինս ակնհայտ կերպով դրսևորվել է բակի հյուսիսային կողմում ամբարիս կից արևելյան (№ 1) սենյակի մուտքի մեջ և պալատական շենքի արևմտյան մուտքի դիմաց: Բակի մանրաքարերով երեսապատված հասակը չոր պահելու (ձնհալի, անձրևի և կենցաղային ջրերի հեռացման) նպատակով շինարարները օգտագործել են տեղանքի մակերևույթի բնական թեքությունը: Այս երևույթն է դրսևորում «ավագ» դարպասից դեպի պալատական շենքի արևմտյան շրամուտքը փռված միակերտ հատակի շուրջ 30 սմ թեքությունը: Նույն նպատակին են ծառայել նաև № 1 բակում և ամրոցի այլ հատվածներում հայտնաբերված ստորգետնյա ջրահավաք իջանքները (ДЮКН) և ցամաքուղիները:

Հանդիսավոր անցումների, հասարակական վայրերի, հրապարակների, կիսածածկ բակերի, շենքերի շրամուտքերի հատակների բարեսես, գեղատեսիլ ձևավորումը հնուց ի վեո եղել է հին աշխարհի ու Հայկական լեռնաշխարհի ճարտարապետ-շինարարների հոգացողության կարևոր հարցերից մեկը: Հնագույն քարաշեն, սալահատակված ճանապարհներն ու անցումներն են հայտնի դեռևս նեոլիթյան Կիրոկիտայում², Հին Բաբելոնում ու Միջագետքի այլ քաղաքներում, որտեղ շինաքարը սուղ էր, ծիսական ու աշխարհիկ շենքերի ճանապարհներն ու հրապարակները երեսապատվում էին թրծած աղյուսներով կամ բիտումով: Փոքր Ասիայում և Իրանում այս նպատակին ծառայում էին սալաքարերը կամ գետաքարերը³:

Բուն Հայկական լեռնաշխարհում խճաքարով կամ սալահատակներով երեսապատված անցումներն են հայտնի դեռևս մ. թ. ա. III հազարամյակի հնավայրերում և ուշ Բոսնիայի ու վաղ երկաթի դարերի ամրոցներում: Բրոնզի ու վաղ երկաթի դարաշրջանների Հայաստանի քաղաքաշինական հասունությունները հին ա-

² Д. Ж. Мелларт. Древние цивилизации Ближнего Востока. М., 1982, с. 56, рис. 17.

³ Է. Լ. Վին Բլենգել-Բրանդ. Ճանապարհորդություն դեպի հին Բաբելոն. Երևան, 1981, էջ 87: В. Замаровский. Тайны хеттов. М., 1968, с. 237—265.

⁴ R. H. Dyson. Early cultures of Soulduz, Azerbaijan. A survey of Persian art. Vol. XIV, 1967, pp. 2951—2970, pl. 1028.

11 Հանգեա. № 4

րևելյան ավանդույթներին միախառնված ձևով առանձնակի արտահայտիչ են դառնում Վանի թագավորության հուշարձաններում: Մասնավորեցնելով խոսքը հրապարակների ու անցումների հատակների կառուցման հնարանքների վրա, կարող ենք վերհիշել, որ մանր գետաքարերով ու սալաքարերով են երեսապատված էրերունների, Թոփրաքկալի⁵, Կայալիդերերի⁶, Ալթինթեփեի տաճարների շրջակայքն ու հրապարակները:

Արգիշթեխինելի արևմտյան ամրոցում, բացի № 1 բակից, մանր խճաքարերով, սալահատակով, գետաքարերով են երեսապատված № 2 բակը, պալատական շենքի սյունադարձ կիսածածկ բակը, «ամբար» անվանված շինություն մեջ գտնվող ուրարտական երկրորդ հատակը և այլն:

Արգիշթեխինելի արևմտյան ամրոցի № 1 բակի սառածքում Վանի թագավորության ժամանակաշրջանի II շինարարական շերտը զրոհորվում է պալատական շենքին, հյուսիսային և հարավային ամբարներին կցված մոտավորապես համահավասար չափեր ունեցող սենյակներով, որոնց մուտքերը բացվում են բակի վրա: Ելնելով այս սենյակների հատակագծային-շինարարական առանձնահատկություններից և նրանցում հայտնաբերված հնագիտական նյութերի շերտադրական պատկանելությունից, պրոֆ. Հ. Ա. Մարտիրոսյանը իրավացի կերպով դրանք հատկացնում է Սարգուրե II-ին հաջորդած ժամանակաշրջանին: Բակի մեջ կառուցված այս շինությունները ծառայել են որպես դորանոցներ և գոյատևել են մինչև քաղաքի անկումը ու հրդեհի ճառակ դարձել ողջ ամրոցի հետ միասին:

Միանման քառանկյունի հատակագծով սենյակաշարերի կառուցմամբ փոքրացած հրապարակը քաղաքի գոյատևման ժամանակ չի կորցնում իր նախկին նշանակությունը և շարունակում է մնալ որպես միջնաբերդի սարքեր հատվածները իրար միացնող կարևոր օղակ: Այդ է վկայում օգտագործվող հատվածի վերանորոգումը: Նոր հատակը լավ պահպանված հատվածներում ունի 15—20 սմ հաստություն: Այն կառուցված է ամուր կավաշաղախով և աղյուսներով:

№ 1 բակի տարածքում կատարված պեղումներով բացահայտվեց ուրարտական տնաշինության հետաքրքիր մի մանրամասն ևս: Հյուսիսային ամբարին կցված սենյակաշարի արևելյան կողմից № 1 սենյակի հարավային և արևմտյան պատերին, արտաքին կողմից կցված է տուֆ քարերով երկղված հարթակ: Այն արևելահայաց պատի կողմում ունի 0,9 մ լայնություն, 2,9 մ երկարություն, իսկ հարավայինում՝ 8,2 մ երկարություն, 1,4—1,6 մ լայնություն: Սենյակի մուտքի դիմաց հարթակը ընդհատված է 0,9 մ լայնությամբ անցումով: Բակի հասակից 0,3—0,4 մ բարձրություն ունեցող հարթակի մակերեսը կավածեփ է: Ինչպես երևում է սենյակի, հրապարակի, հատակի և հարթակի միմյանց նկատմամբ ունեցած փոխհարաբերություններից, հարթակը ներկայացնում է բակի տարածքում ուրարտական ամենավեցին շինությունը և պատկանում է այն ժամանակաշրջանին, երբ Արգիշթեխինելի արևմտյան ամրոցն ու քաղաքային թաղամասերի հոյաշեն առանձնատներից շատերը լքվել էին իրենց նախկին տերերի կողմից, երբ ամրոցի արևելյան մուտքը և պալատական շենքի մի հատվածը զբաղեցվել էր դառնի արհեստանոցով ու բնակարանով, իսկ «տաճարական» հրապարակի կենտրոնում կառուցվել էր միահարկ, երկսենյականոց, ոչ մեծ շինությունը: Հարթակի, № 1 սենյակի և բակի վերին երկրորդ հատակից վեր ընկած շերտում դիտվող հրդեհի հետքերից ելնելով հարկ է նկատել, որ հարթակը, կառուցված լինելով սենյակից ուշ, գոյատևել է մինչև քաղաքի ավերումը:

Հարթակի նշանակությունը, նրա ունեցած երբեմնի տեսքի վերականգնմամբ դեռևս որոշակի չէ, սակայն հիմնով Թեյշեբախների պեղումների տվյալների

⁵ Б. Б. Пиотровский. История и культура Урарту. Ереван, 1944. с. 254.

⁶ С. А. Burney. A first season of excavations at the Urartian citadel of Kayalidere.—Anatolian Studies, vol. XVI, 1966, p. 64, pi. 4.

⁷ А. А. Маргаросян. Указ. соч., с. 90—93.

Հիման վրա վերականգնված բնակարանի հետ ունեցած նմանությունից⁸, կարող ենք ասել, որ այն եղել է պատշգամբի հարթակ, որը ծառայել է № 1 սենյակը զբաղեցնողին տնտեսական նպատակների համար:

Բակի տարածքում, Վանի թագավորության ժամանակաշրջանի շերտերում հայտնաբերված հնագիտական նյութերը, ինչպես և սպասվում էր, սուղ են և խիստ բեկորային: Սրանք գործածությունից դուրս եկած և հատակների շահախնդրի մեջ լցված մուգ կարմիր, դեղնա-կավազույն շողուն անգորգապատ և փալեցված մակերեսներով կտրի, գավաթների, թասերի, սև փալեցված մակերեսներով խոհանոցային կոնտեյներների, տաշտակների, գարեջրի անոթների, բալն ամանների բեկորներ են: Կավանոթներից մի քանիսի կանխերի ստորին տափածի մակերեսին կամ շրջանաձև քիչ բարձր նստուկով հասակների վրա առկա են դանդաղ պատկերներով դաջվածքներ կամ խալված եղանակով արված հիբոդոլի⁹ նշաններ: Կան նաև նետաշարքի տատկետ կտրող բեկորներ: Հետաքրքիր է նկատել, որ երկու հատակների միջև հայտնաբերված խեցանոթները, իրենց որակով ու պատրաստման կատարելությամբ գրեթե չեն տարբերվում միջանոցից: Վերին հասակի վրայից գտնվածները քիչ ավելի ցածր որակի են, ունեն խամրած, երբեմն նաև մրոտված մակերեսներ: Վերջինը արդյունք է համեմատաբար վատորակ պատրաստման և հրվածի ազդեցության: Երևարարական երկու շերտերի խեցեղենի տեսականին իրարից չի տարբերվում:

Ինչպես նշեցինք վերը, հրապարակի վերին շինարարական շերտը պատկանում է վաղագույն միջնադարին: Այն նեոկալանում է Վանի թագավորության շինություններից թափված աղյուսների շերտի մեջ իջեցված հորերով, թոնիրներով ու նրանց վերին մակերեսի մակարդակի վրա գտնվող բուլավալաշեն պատերի շնչին պատասխանելով: Բակի տարածքում միջնադարյան շինությունների փլատակները այնքան վատ էին պահպանված, որ անհնար էր որևէ շենքի կամ թեկուզ թոնրատան հատակագծի պատկերի վերարտադրումը: Նշենք միայն, որ բակի մոտավորապես կենտրոնական մասում, ուրարտական շինություններից թափված աղյուսների շերտի վրա, հատակից 1,2 մ բարձրության վրա պահպանվել էր միջնադարյան ստորին շինարարական շերտին պատկանող 0,4 մ բարձրությամբ, 4,5 մ երկարությամբ հյուսիս-հարավ ձգվող բաղաձայն, միաշար պատի մի հատված, որը հյուսիսային ծալրով ծածկում էր ուրարտական 11 շերտի շինության պատը: Ինչպես ցույց տվեցին այս պատի շրջակայքի պեղումները, այն եղել է պատից անմիջապես արևմուտք գտնվող՝ իրար մոտ կառուցված մեծ ու փոքր թոնիրների հարթակի հենապատ: Բակի տարածքում, միջնադարյան բազմաթիվ հորերի ու թոնիրների ուսումնասիրությունների ընթացքում առանձնակի հիշատակության է արժանի վերահիշյալ պատից 2,5 մ արևելք, բակի երկայնական առանցքի վրա 1980 թ. պեղված թոնիրը: Սրա վերին մասը բացակայում էր, ստորինը նստած էր ուրարտական հատակի վրա, ուներ շուրջ 0,9 մ բարձրություն, 60—80 սմ լայնություն: Թոնրի կողերը երկտակ էին: Արտաքին և ներքին կողերի արանքում և շրջակայքի չիցքի միջից ուրարտական միջնադարյան խեցանոթների բեկորների հետ մեկտեղ հայտնաբերվեցին նաև ուշ ուրարտական և վաղ հայկական դարաշրջանի խոշոր տափաշշի և փալեցման եղանակով դարդարված մեկ կանթանի կծի բեկորներ: Վերջիններիս հայտնաբերումը միջնադարյան վերանորոգված կրկնակի կողերով թոնրի շրջակայքից դարմայնող է և հետաքրքիր: Տեղանքի մանրագծերն ուսումնասիրությունները բացառեցին բակի տարածքում վաղ հայկական ժամանակաշրջանի շինության կամ գուգահեռ նյութի գոյությունը: Ինչպես երևում է, թոնրի շրջակայքը և կողերի արանքը լցվել է մեկ ալ, ոչ շատ հեռու տեղից բերված հողով, որի հետ էլ նրա մեջ են գցվել վերահիշյալ վաղ հայկական խեցանոթների բեկորները: Նկատենք նաև այն, որ արևմտյան ամրոցի և բլրի լանջերի շուրջ 2 հեկտար պեղված տարածքում

⁸ Н. М. Дьяконов. Предыстория армянского народа. Ереван, 1968, с. 146, рис. 30.

սա երկրորդ վայրն է, ուր դիտվել են վաղ հայկական նյութեր: Ենթադրվում է, որ արևմտյան ամրոցի անկումից հետո նրա տարածքի որոշ հատվածներ, գուցե և շատ չնչին մակերեսներով, զբաղեցվել են վաղ հայկական մշակութային կրողների կողմից: Վերջինիս համար հիմք է ծառայում Դավթի բլրի հարավ-հայաց լանջի արևմտյան հատվածում, ամրոցի I և II պարիսպների միջև գտնվող նկուղային սենյակներից մեկում հայտնաբերված, վերին մակերեսին ակոսածև հանվածք ունեցող, վաղ հայկական և հելլենիստական վաղեմության աղորիքների քարերը և գնդաձև իրանով կարմիր կճուճն ու բազմաթիվ կոկիչները: Բացի այս, հիշենք նաև, որ Արգիշթեխինեյե քաղաքի արևմտյան ամրոցից հյուսիս և հյուսիս-արևմուտք, Նոր Արմավիր դուրդի կոլտնտեսության արտադրական մասում և Բամբակաշատ գյուղի հանդամասերում արդեն հայտնի են ուրարտա-հելլենիստական դարաշրջանների մշակութային նմուշներ պարունակող ոչ մեծածավալ հուշարձաններ: Վերջիններիս հետագայում կատարվելիք ուսումնասիրությունները անկասկած օգնելու են Արգիշթեխինեյե-Արմավիր քաղաքների պատմամշակութային աղբյուրները պարզաբանելու գործին:

Բակի տարածքում միջնադարյան բնակության արդյունք են նաև նրա արևմտյան կողմում, հյուսիսային պատի մոտ հայտնաբերված երեք խոշոր կարասները, որոնց մակերեսները զարդարված են Վանի թագավորության մշակութային բնորոշ կիսաշրջանաձև և քառանկյունի ընդարձակ փոսիկներով: Կարասները, ինչպես ցույց են տալիս նրանց միջից գտնված նյութերը և նրանց շրջակայքի պեղումները, այստեղ են բերվել միջնադարում և օգտագործվել են որպես պահեստ-հորեր: Իրենց չափերով ու զարդարանքներով դրանք համարվում են ամրոցի արևելյան մեծ շինության («պալատական շենք») հարավ-արևելյան կարասային սենյակում բացվածների հետ:

Ջարգացած միջնադարյան ժամանակաշրջանի հորերի, թոնրատների փլատանների միջից հավաքված հնագիտական իրերի ժողովածուն բաղկացած է X—XIII դդ. թվագրվող հասարակ ու ջնարակած ամենատարատեսակ խեցանոթների, ապակյա տարազուն ապարանջանների, գոսեղարդ ու դաջազարդ կարասիկների բեկորներից, մետաղյա գործիքներից, գամերի շատ վատ պահպանված նմուշներից: Առանձնակի հետաքրքիր են շողուն ջնարակապատ և կաղապարման եղանակով դարդարված, կիսաֆաբրիկատ վիճակում հայտնաբերված, բաց կանաչավուն խեցանոթի բեկորները, որը վկայում է տեղում նրանց պատրաստված լինելու մասին:

Միջնադարյան հորերի շարքում, իր պարունակած նյութով առանձնակի հիշատակության է արժանի քառանկյունի, քառաշեն պատերով № 7 հորը: Այն գտնվում էր բակի հյուսիսային կողմի սենյակաշարի արևելյան № 2 սենյակի մուտքի մոտ: Մեկ քառակուսի մետր մակերեսով և 1,2 մ խորությամբ պահպանված հորում դրված էր բազմականթ խոհանոցային մի կճուճ և երկարավուն իրանով ոչ մեծ կարաս՝ հարթ մակերես ունեցող գոսեիով զարդարված: Նույն հորի միջից ջնարակած թասի բեկորների հետ մեկտեղ գտնվեց մետաղյա մի իր, որը Հայաստանի հնագիտական հավաքածուների մեջ եզակի է: Այն գնդաձև գլխիկով, հաստացող բռնակով, ձվածիր կտրվածք ունեցող ոտքով մի իր է, որի նստուկը կրկնակի սեղմենաձև է, իսկ գլխիկի վրա կա օղակ: Իրի ինչ լինելը դեռևս անորոշ է, սակայն այն շատ հարմար է կավամանները տարբեր տեսակի զարդապատկերներով զարդարելու համար:

Հորի հյուսիսային պատի վերին շարքի քարերից մեկը իր վրա կրում էր Արգիշթե I թագավորի սեպագիր արձանագրությունը: Երևաքարը հորի պատի վրա էր դրված արձանագրված մակերեսով դեպի ցած: Սա ծակոսկեն մակերեսով, 53 սմ երկարությամբ, 24 սմ լայնությամբ, անկանոն խորանարդաձև տեղական բազալտ է: Նրա արձանագրված մակերեսը խնամքով հարդարված է, իսկ կողերը մշակված են «ռուստովկա» անվանված եղանակով: Արձանագրությունը բաղկացած է 5 տողից: Չնայած արձանագրությունը in situ չէ, այնուամենայնիվ այն կարևոր նշանակություն ունի Արգիշթեխինեյե քաղաքի արևմտյան ամրոցի բաղադրամասերի ուսումնասիրության, ինչպես նաև Վանի

Թագավորության գրավոր ժառանգության հարստացման գործում: Ստորև տալիս ենք արձանագրության տառադարձությունը և թարգմանությունը:

Արձանագրության տառադարձությունը.

1. 'Ar-giš-ti-še
 'Mi-nu-a-hi-né-še
 i-né É'a-ri šú-u-né
 Ea-ši-hu-si-né pe-i
5. X LIM I ME ka-pe iš-ti-né⁹

Արձանագրության թարգմանությունը.

Արգիշթե Մինուարդին այս շտեմարանը կառուցեց¹⁰, «աշխուսե» տան տակ, 10100 քապե այնտեղ [կտեղավորվի]:

Հայտնի են ուրարտական արքաների բազմաթիվ այլ արձանագրություններ՝ գրված 'ari-ների կառուցման կապակցությամբ¹¹: Այդ արձանագրությունները հիմնականում երեք բնույթի են. առաջին դեպքում՝ հակիրճ, չորս ս:ող ունեցող արձանագրություններ են, որոնցում հիշատակվում է կառուցող արքայի անունը, պահեստի կառուցման փաստը և նրա տարողությունը¹², ինչպես, օրինակ, Արգիշթեիսի նեոլիթից գտնված մեկ այլ արձանագրությունում է. «Խուսա էրիմենայի որդին այս շտեմարանը կառուցեց, 1432 քապե այնտեղ [կտեղավորվի]»¹³:

Երկրորդ բնույթի արձանագրությունները սովորաբար ունենում են վեց սող և առաջինից տարբերվում են «Խալդե աստծու մեծությամբ» կամ «Խալդե աստծու զորությամբ» արտահայտության առկայությամբ¹⁴, ինչպես, օրինակ, Արգիշթե I-ի Վանում գտնված արձանագրություններից մեկում է. «Խալդե աստծու զորությամբ, Արգիշթե Մինուարդին այս շտեմարանը կառուցեց, 10000 քապե այնտեղ [կտեղավորվի]»¹⁵: Երրորդ բնույթի արձանագրություններն ունենում են 11 սող: Այստեղ չի հիշատակվում «Խալդե աստծու զորությամբ» կամ «Խալդե աստծու մեծությամբ» արտահայտությունը, սակայն վերջում լինում է շինարար արքայի տիտղոսաշարը¹⁶, ինչպես, օրինակ, Արինբեր-

⁹ 'Mi-nu-a-hi-ne-se բառում mi վանկը կարող է կարգացվել և me ձևով. տե՛ս И. М. Дьяконов. Урартские письма и документы (УПД). М.—Л., 1963, с. 100, 118, սեպարիումը № 218: Սակայն նկատի ունենալով այն, որ ուրարտերենում սովորաբար i/e հնչյունով ավարտվող վանկերին հաջորդող i կամ e ձայնավորը որոշում է այդ վանկի ձիշտ հնչյունը (УПД, с. 29), նպատակահարմար ենք գտել այս անձնանունը տառադարձել վերոհիշյալ ձևով, քանի որ ուրարտերեն արձանագրություններում այս անձնանունը հաճախ գրվում է 'Mi-é-i-nu-ú-a. տե՛ս օրինակ, Г. А. Меликнишвили. Урартские клинообразные надписи (УКН). М., 1960, № 24, երեսի կողմ, սող 21: УКН, № 38, սող 3 և այլուր (հմտ. УПД, с. 30), ինչպես և 'Mi-nu-a-hi-né/i-e-še (տե՛ս օրինակ, УКН, № 127, II, սող 11, УКН, № 127, V, սող 37 և այլուր) ձևով: i-né բառը կարելի է տառադարձել և i-ni ձևով. su-u-né բառը՝ su-u-ni, a-si-hu-si-né բառը՝ a-si-hu-si-ni, pe-i բառը՝ pi-i, իսկ ka-pe բառը՝ ka-pi ձևով:

¹⁰ Šune բայն է, որի «կառուցեց» թարգմանությունը առաջարկել է Գ. Ա. Մելիքիշվիլին (տե՛ս Г. А. Меликнишвили. Вопросы социально-экономической истории Урарту.— Вестник древней истории (ВДИ), 1951, № 4, с. 24, прим. 4): Այս բառի S(u)-բայարմատն է. Մ. Դյակոնովը թարգմանում է «լցնել» [«насыпать (?)»] ձևով (УПД, с. 91):

¹¹ Տե՛ս УКН, №№ 135, 139, 162—164, 288: Մ. Ա. Իսրայելյան. Էրեբունի բերդ-քաղաքի պատմություն. Երևան, 1971, արձ. № 8—12, 20—24:

¹² УКН, № 139, 288: Մ. Ա. Իսրայելյան. նշվ. աշխ., արձ. № 8—12, 21—23:

¹³ УКН, № 288.

¹⁴ Տե՛ս УКН, № 135, 162, 163. Մ. Ա. Իսրայելյան. նշվ. աշխ., արձ. № 24:

¹⁵ УКН, № 135.

¹⁶ Նույն տեղում, № 164: Մ. Ա. Իսրայելյան. նշվ. աշխ., № 20:

դի արձանագրություններից մեկում է. «Սարգուրե Արգիշթուրդին այս շտեմարանը կառուցեց, 5100 քապե այնտեղ [կտեղավորվի]։ Սարգուրե Արգիշթուրդին արքա է հզոր, արքա մեծ, արքա Բիսինեյեի, արքա երկրների, տերը Տոշսյա քաղաքի»¹⁷։



Արգիշթինեյեի նորահայտ արձանագրությունը տարբերվում է վերահիշյալներից։ Այն առավել նման է 4 տող ունեցող արձանագրություններին, սակայն ունի մի տող, որը բացակայում է նման բնույթի մյուս արձանագրություններում. խոսքը արձանագրության չորրորդ առդի մասին է, ուր խոսվում է այն մասին, թե որտեղ է կառուցվել E'ari-ն («աշխուսեի» տակ) և այս առումով այն միակն է։


Այս արձանագրությունը հնարավորություն է տալիս հարստացնելու մեր գիտելիքները E'ari և Eašihuse շինությունների մասին ընդհանրապես ինչպես և որոշել այդ շինքերի տեղագրությունը Արգիշթինեյեի քաղաքի արևմտյան ամրոցում։ Արձանագրության բովանդակությունից պարզ է, որ ներկա գեղքում E'ari-ն Eašihuse տան մի մասը կազմող շինություն է եղել (նկույդ)։ Հանգամանք, որը մի անգամ ևս ապացուցում է Գ. Ա. Մելիքիշվիլու այն տեսակետը, թե, E'ari բառը նշանակել է «շտեմարան»՝ ամենայն հավանականությամբ հացահատիկի համար նախատեսված¹⁸։ Հետևաբար և «աշխուսեի» տանն ունեցել է նաև ամբար, այս ևն վկայում է ոչ միայն քննարկվող արձանագրության տվյալները, այլև Արինբերդից գտնված մի արձանագրության բովանդակությունը, ուր խոսվում է E'ari և Eašihuse շինությունների կառուցման մասին¹⁹։

¹⁷ Նույն տեղում։ Ուշագրավ է, որ Արգիշթե I-ի և Սարգուրե II-ի կառուցած E'ari-ների մեծ մասը ունեցել են նույն տարողությունը՝ 10100 սապե։

¹⁸ Г. А. Мелликишвили. Вопросы социально-экономической истории Урарту, с. 25.

¹⁹ Н. В. Арутюнян, К. Л. Оганесян. Новые урартские надписи из Эрбуну-ли. — ВДН, 1970, № 3, с. 110, № 6.

«Աշիսուսե» տան շինարարության մասին խոսվում է նաև Մինուա արքայի արձանագրություններից երկրորդում: Բոլոր երեքն էլ փորագրված են խարոսխաբարերի վրա (երկուսը գտնվել են Վանում, մեկը՝ Վարագա վանքի մոտ), միննույն բովանդակությամբ. «Մինուա Իշպուինորդին այս Easihuse կառուցեց»²⁰, Քանի որ հայտնի են «աշիսուսե» տան կառուցման մասին արձանագրություններ՝ գրված նաև խարոսխաբարերի վրա, ուրեմն և պիտի ենթադրվի, որ այս տունն ունեցել է սյունասրահ²¹:



Մ. Ա. Խորաշկյանը Easihuse հասկացության համար առաջարկում է «տուն վահանների» թարգմանությունը²²: Հետաքրքիր դիտողություն է (մասնավորապես «վահանի տուն» էր տնվանվում Մուծածիլի Սալդի տաճարը)²³, որը, սակայն, վիճելի է, քանի որ asihuse բառի հիմքը թերևս asih/i²⁴ կամ asih ձևը պիտի տաննա, հետևաբար և քիչ հավանական է, որ այն կազմված լինի արարտերեն asē «վահան» բառով:

Այս առումով թերևս ավելի հավանական է Ֆ. Վ. Քյոնիգի տեսակետը, որը asihuse բառը առաջարկում է ստագաբանիկ ուրարտական արձանագրություններից մեկի վրա՝ asih «զոհաբերել»²⁵, «զիզել»²⁵ բայով, Easihuse հասկացությունը բացատրելով, «պաշտամունքային զիզումների վալը» կամ «սուսվածությունների տաճար» ձևով:

²⁰ УКН, №№ 83, 84, 85.

²¹ Եթե ենթադրենք, որ asihuse բառը ծագում է շինության ոչ թե ֆունկցիոնալ նշանակությունից, այլ բնութագրում է նրա ունեցած ճարտարապետական ձևը, ապա կարելի է ենթադրել, որ Easihuse նշանակել է «սյունավոր տուն» և կազմված է asihե կամ asih հիմքից և use ածականակերտ մասնիկից (հմտ. LUGAL «աղբա» և LUGAL-nuse «արքայական»), այսինքն asihе (asih) բառը նշանակել է «սյուն»։ Զրույցառելով Easihuse հասկացության նման բացատրության հնարավորությունը՝ այնուամենայնիվ առավել հավանական է թվում asihuse բառի Ֆ. Վ. Քյոնիգի առաջարկած ստագաբանությունը, որի մասին տե՛ս ստորև։

²² Մ. Ա. Խորաշկյան. նշվ. աշխ., էջ 177, ծան. 2.

²³ Б. Б. Пиотровский. Ванское царство. М., 1959, с. 224.

²⁴ УКН, с. 391.

²⁵ УПД, с. 87.

²⁶ E. W. König. Handbuch der chaldäischen Inschriften. I—II, Graz, 1955—1967 S. 175.

²⁷ Նույն տեղում, Easihuse հասկացությունը կարելի է թարգմանել թերևս «տուն զոհաբերություն» ձևով:

Ուշագրավ է, որ Օշականի ուրարտական տաճարը նույնպես կառուցված է եղել սյունասրահի ձևով, ուր կատարվել են նաև զոհաբերություններ, զոհերը մնացորդները լցվել են սյունասրահի հատակին փորված հորերը²⁸:

Հայտնի է, որ Ուրարտուի արքաները տաճարներին նվիրաբերում էին հագարավոր խոշոր ու մանր եղջերավոր անասուններ²⁹, նկատի ունենալով այս, ինչպես և այն հանգամանքը, որ ուրարտացիք աստվածություններին զոհաբերում էին նաև գինի ու հաց, պիտի ենթադրել, որ զոհաբերությունների համար նախապես ումբարվում էին համապատասխան մթերքներ, որոնք պահելու համար անհրաժեշտ էին համապատասխան օժանդակ շինություններ: Հետևաբար, տաճարին կից պիտի լինեին նման կառույցներ, որոնցից մեկի մասին (V-arı) էլ խոսվում է Արգիշթեխինեի հրատարակվող արձանագրությունում:

Այսպիսով, պիտի ենթադրել, որ ašihuse-ն մի շենք է, կազմված հիմնականում սյունասրահից և ամբարից: Արգիշթեխինեի արևմտյան ամրոցում, նորահայտ արձանագրության զանված վայրին շատ մոտ, բազի հյուսիսային թևում, պեղված է սյունավարդ դահլիճից, մեծածավալ ցորենի պահեստից և նրանց կից քառանկյունի փոքր սենյակից բաղկացած մի շինություն, որի սյունավարդ ընդարձակ դահլիճի հատակը 3,5 մետրով բարձր է ամբարի հատակից: Վերոհիշյալ սյունավարդ դահլիճի ուրարտական շերտում հայտնաբերվել են պաշտամունքային կիրառության շքեղ անոթների և ճրագների բեկորներ ու երկաթյա մեծ շրագամներ³⁰, որոնք ցույց են տալիս այս շինության պաշտամունքային նշանակությունը: Բացառված չէ, որ արձանագրությունում խոսվում է հենց այս շենքի մասին:

Ըստ երևույթին, ուրարտական «աշիրուսե» տունը, իր ունեցած կիրառական նշանակությամբ համապատասխանել է խեթական «սինապսի» անվանված շինությանը, որը կրոնական նշանակության մի կառույց էր, ուր կատարվում էին զոհաբերություններ աստվածներին³¹:

РАСКОПКИ АРГИШТЕХИНЕЛЕ В 1983 г. И НОВАЯ УРАРТСКАЯ НАДПИСЬ

Р. М. ТОРОСЯН, С. Г. АМАЯКЯН

Резюме

В 1983 г. экспедиция Института археологии и этнографии, изучающая западную часть города Аргиштехинеле, завершила расчистку центрального двора западной цитадели. На этом участке нижний культурный слой стратиграфической шкалы памятника состоит из двух строительных горизонтов эпохи Ванского царства, а верхний содержит остатки развалин жилищ и хозяйственных построек средневекового поселения.

В центральном дворе ранний строительный горизонт эпохи Ванского царства представлен сооруженными Аргиште I главными воротами, дворцовым зданием в восточной части двора, вместительными складами на севере и юге цитадели и

²⁸ С. А. Есаян. Раскопки 1979 г. в Ошакане. Гос. музей истории Армении, Музей истории основания Еревана «Эребуни». Научная сессия, тезисы докладов. Ереван, 1981, с. 15.

²⁹ Տե՛ս, օրինակ, УКН, № 19:

³⁰ А. А. Мартirosян. Указ. соч., с. 86.

³¹ А. Аракелян. Термин (E)šiparši в хеттских клинописных текстах.—Историко-филологический журнал, 1975, № 3, с. 241.

небольшой, занимающей около 750 м² площадью, выложенной цветной галькой. Второй строительный горизонт представлен приблизительно одинаковыми по размерам комнатами, пристроенными к дворцовому зданию, северным и южным амбарам. Двери комнат открываются во двор. Эти постройки служили казармами и существовали вплоть до падения города.

Среди средневековых построек особого внимания заслуживает хозяйственная яма № 7, обнаруженная возле входа к комнате № 2. Последняя находится на востоке северного ряда анфилады. В засыпи ямы найдена керамика эпохи средневековья, а также железный инструмент гончара. Один из камней верхнего ряда кладки северной стены ямы на лицевой стороне имел клинообразную надпись Аргиште I. Надпись гласит: «Аргиште, сын Минуа, это зернохранилище устроил под домом *ашихусе*, 10100 *капе* там [поместится]». Из содержания надписи следует, что в данном случае часть постройки, именуемой *ашихусе*, была амбаром. Так как надписи, свидетельствующие о постройке здания *ашихусе*, найдены также на базах, можно предположить, что это здание имело колонный зал. По мнению Ф. В. Кёнига, дома под названием *ашихусе* были храмами или местами жертвоприношений. В Аргистехинеле на северном участке центрального двора раскопано строение с колонным залом и амбаром. Пол колонного зала выше амбара на 3,5 м. В колонном зале обнаружены фрагменты роскошной керамики, возможно, являвшейся частью храмовой утвари. По всей вероятности, в надписи речь идет именно об этом сооружении.